

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. उपराज्यपाल मनोज सिन्हा होरें अज्ज पुलस पब्लिक देआली मेले दा उद्घाटन कीता।
2. मुखमंत्रि उमर अब्दुल्ला होरें आखेआ ऐ जे नमी जीएसटी दरें कारण जम्मू-कश्मीर गी टैक्स राजस्व च कोई 1 ज्हार करोड़ रपे दी कसर लग्गग।
3. शिक्षा मंत्री सकीना इत्तू होरें आखेआ ऐ जे समाज चा नशाखोरी दी कवैतू गी खत्म करने ते एच.आई.वी एड्स बारै जागरूकता फैलाने च नोजवान अहम भूमिका निभाई सकदे न।
4. कुपवाड़ा जिले दे माच्छिल सेक्टर च बन्ने पारा घुसपैठ दी इक कोश्ट नाकाम करदे होई फौज नै द'ऊं आतंकवादिगं गी मारी मकाया ऐ।
5. कटड़ा कश पेश आए दे इक सड़क हादसे च त्रै श्रद्धालुगं दी मौत, 2 जखमी।

<><><><><><>

LG-Diwali Mela

उपराज्यपाल मनोज सिन्हा होरें अज्ज जम्मू दे गुलशन ग्राउंड च पुलस पब्लिक देयाली मेले दा उद्घाटन कीता। आकाशवाणी दे जम्मू संवाददाता नै जानकारी दिती ऐ जे उद्घाटन मौके बड़ी बद् गिनतरी च लोक उत्थे मजूद हे ते जम्मू पुलस आसेआ आयोजित इस मेले च आम जनता दी दिलचस्पी दिक्खियै पुलस ते पब्लिक बश्कार गैहरे सद्भाव ते बसाह भरोसे गी सखल्ले मसूसेया जाई सका'रदा ऐ। मेले च सांस्कृतिक कार्यक्रमें दे अलावा खाने-पीने दे स्टाल, दस्तकारिगं दे नमूने, मनोरंजन ते खरीदारी लेई बेस्थावे बंदोबस्त कीते गेदे हे। इस मौके मीडिया कन्ने गल्ल करदे होई आई.जी.पी जम्मू भीमसेन टूटी होरें आखेआ।

<><><><><><>

LG-SMVD

उपराज्यपाल मनोज सिन्हा होरें अज्ज श्री माता वैश्वो देवी जी दे दरबार च मत्था टेकेआ ते समूलचे जम्मू-कश्मीर च सभने दी सलामती, तरक्की, शांति ते खुशहाली लेई प्रार्थना कीती। मनोज सिन्हा होरें माता दे दरबार च पवित्र

पिंडिं दे सामने पूजा-अर्चना कीती ते केंद्र शासित प्रदेश च खुशहाली, सद्भाव ते भाईचारे दी मजबूती लेई कामना कीती। श्री माता वैष्णो श्राइन बोर्ड दे कई सीनियर अफसर बी उन्दे कन्नै गेदे हे। जिनें उपराज्यपाल होरें'गी उनेंगी यात्रा पर औने आहले श्रद्धालुएं लेई उपलब्ध सुविधाएं-सेवाएं बारै च तफसीली जानकारी दिती चेचा करियै उंदी सुरक्षा ते ठैहरने दी सुविधा ते बवस्थाएं बारै पूरा ब्यौरा दित्ता।

<><><><><><>

CM-GST

माल समेयान ते सेवाएं सरबन्धी टैक्स-जीएसटी च कटौती दे कारण जम्मू-कश्मीर च इस ब'रे टैक्स गराही च 1 ज्हार करोड़ तगर दी कमी आई सकदी ऐ। एहू गल्ल मुख्मन्त्री उमर अब्दुल्ला होरें अज्ज श्रीनगर च एफ.आई.सी.सी.आई दी राश्ट्रर कार्जकारी बैठका च आक्खी। उनें आखेआ जे इस कटौती कन्नै जम्मू-कश्मीर जनेए राज्य ते केंद्र शासित प्रदेशें, जेह्दे पैहले गै घाटे च चले करदे न ते इन्नी रकम कोई घट्ट नेही ऐ। मुख्मन्त्री होरें अगगे आखेआ जे पहलगाम आतंकी हमले दे बाद सैलानिएं दी आमद च कमी ते मगरा बरखें-हाड़ें करी बी केंद्र शासित प्रदेश दी अर्थ बवस्था च बड़ा माड़ज्ज असर पेआ ऐ। उनें आखेआ जे 2025 आहला ब'रा जम्मू-कश्मीर च बड़ा भारा रेहा ऐ।

<><><><><><>

Itoo-Marathon

शिक्षामन्त्री सकीना इत्तू होरें अज्ज आखेआ ऐ जे नशाखोरी पर रोक लाने ते समाज च एच.आई.वी एड्स बारै जागरूकता फैलाने च स्हाड़े नौजवान बड़ी अहमद ते महत्वपूर्ण भूमिका निभाई सकदे न। जम्मू-कश्मीर एड्स कंट्रोल सोसायटी आसेआ अज्ज श्रीनगर च आयोजित 5 किलोमीटर रेड रन मैराथन दरान आई.ई.सी अभियान-2025 दी शुरूआत करदे मौके इत्तू होरें आखेआ जे कश्मीर युनिवर्सिटी ते मैहकमा सेहत आसेआ किट्टे रलियै शुरू कीती गेदी एहू पैहल जेह्दा मकसद समाज च एच.आई.वी एड्स दे बारै च जागरूकता फैलाना ऐ, इक सराहनेजाग कार्रवाई ऐ। उनें आखेआ जे समाज च नशाखोरी दी आदत इक बड़ी चुनौती ऐ ते इस चुनौती कन्नै निब्वड़ने लेई सब्बनें गी किट्टे रलियै कम्म करना लोड़चदा। मगरा मीडिया आहलें कन्नै गल्ल करदे होई उनें आखेआ

<><><><><><>

Itoo MD-JKWDC

जम्मू-कश्मीर महिला विकास निगम दियां प्रबंध निदेशक पूर्णिमा मित्तल होरें अज्ज समाज कल्याण, शिक्षा, सेहत ते मेडिकल शिक्षा मंत्री सकीना इत्तू हुंदे नै मलाटी कीती ते उनेंगी निगम दिएं जारी स्कीमें, कार्यक्रमें ते महिलाएं दे सशक्तिकरण ते उंदी आत्मनिर्भरता गी बढ़ावा देने लेई भविष्य दिएं योजनाएं दे बारे च दस्सेआ दसाया। पूर्णिमा मित्तल जिनें हाल च गै महिला विकास निगम दे एम.डी दा औहदा साम्भेआ ऐ, होरें निगम दिएं गतिविधिएं दे बारे च बी तफसीली जानकारी मंत्री होरें गी दिती जिंदे च महिलाएं गी सिखलाई देइयै हुनरमंद बनाने सरबन्धी कम्म, कम्म शुरू करने लेई दोआर देने सरबन्धी स्कीमां, उद्यमता समर्थन प्रोग्राम ते होर दुए कम्म कारवाइयां जिनेंगी राश्ट्री सतह दे माली संस्थानें दी मदद कन्नै लागू कीता जा'रदा ऐ।

<><><><><><>

Kupwara Terrorists Killed

कुपवाड़ा जिले दे माच्छल सैक्टर च फौज ते जम्मू-कश्मीर पुलस आसेया चलाए गेदे सांझे अभियान च 2 आतंकवादी मारे गे। एह अभियान 13 अक्तूबर गी इक टकोहदी सूह थोने मगरा चलाया गया हा। सोशल मीडिया दी इक पोस्ट च चिनार कोर नै दस्सेया जे सौहगे जोआनें आसेया कब्जा रेखा कश संदिग्ध नकलो-हरकत दिखी गई। इनें घुसपैठियें गी सुरक्षाबलें ललकारेया गया जिनें गोलीबारी शुरू करी दिती। सुरक्षाबलें आसेया बी इस गोलीबारी दा बनकदा परता दिता गया। इसै दौरान 2 आतंकवादी मारे गे। टाकरे आहली थाहर थवां भारी मात्रा च असला बरुद बी बरामद कीता गया ऐ। अभियान अजें जारी ऐ।

<><><><><><>

Katra-Accident

इक दर्दनाक शिड़क हादसे च वैश्वो देवी जी दी जात्तरा पर आए दे 3 श्रद्धालुएं दी मौत होई गई ऐ ते 2 घायल होई गए न। एह हादसा कटड़ा कश होआ जिसलै इक आटो रिक्षा दुई बक्खी दा आवा'रदी बस कन्नै टकराइ, गेआ। एह यात्रु आटो रिक्षा च सवार हे। आकाशवाणी जम्मू संवाददाता नै जानकारी दिती ऐ जे जान मोआने आहले यात्रु दर्शन करियै हैलीपैड थमां कटड़ा वापस आवा'रदे हे। टक्कर इन्नी जोरें दी ही के मौके पर गै 3 जनें दी मौत होई गई। घाऽल होए दे 2 जनें गी जीएमसी जम्मू पजाया गेआ ऐ। दुर्घटना दा कारण पता लाने सरबन्धी जांच शुरू कीती गई ऐ। मुखमंत्री उमर अब्दुल्ला होरें इस हादसे पर बसोस जताया ऐ। उनें मृतक दे परोआरें कन्नै हमदर्दी जाहिर कीती ऐ ते जखिमयें दे तौलें नरोए होने दी कामना कीती ऐ। मती जानकारी दिंदे होई एस.डी.पी.ओ कटड़ा भीष्म दुबे होरें आखेआ।

<><><><><><>

Fin. Deptt. Circular

जम्मू-कश्मीर दे खजाना विभाग नै सारे प्रशानिक विभागें गी निर्देश दिते न जे ओहू पैसे सरबन्धी सब्बै अदालती मामलें तौले शा तौले पेश करना विभाग आसेआ जारी आदेश च लौऽ पाई गेदी ऐ जे बड़े सारे मामले चिरें जमा कराए जंदे न, जिस करी खजाना विभाग दे कोल सीमित विकल्प रेही जंदे न ते तकरीबन कनूनी हिदायतें दा सेही

विश्लेषण कीते बगैर गै पैसे जारी करने पौंदे ना। ऐसे हालातें थमां बचने आस्तै विभाग नै याचिका सरबन्धी सारे कागजात जमा कराने दे निर्देश दित्ते न जेदे च याचिका दी प्रति, जानकारी, जवाब ते अदालत दे फैसले शामिल ना। एहदे कन्नै मामले दी सेही जांच ते समेंसिर नबेड़ा होई सकोग। खजाना विभाग नै जोर पाया ऐ जे मामले तौले जमा करवाने कन्नै सेही कनूनी जांच होई सकोग ते सरकार पर बेकार दा पैसे देने दा बोझ घटोग।

<><><><><><>

Samba Farmer's Training

बागवानी विभाग साम्बा नै जम्मू-कश्मीर यू.टी दे करसानें दे प्रशिक्षण कार्यक्रम तैहत 40 करसानें, बागवानें आस्तै 4 रोजा प्रशिक्षण दा सरिस्ता कीता। एहू प्रशिक्षण केंद्र प्रायोजित स्कीम 'मिशन फॉर इंटीग्रेटिड डिवेलपमेंट ऑफ हार्टीकल्चर यानि आगवानी दे संगठित विकास आस्तै मुहिम हेठ करवाया गेआ। आयुष सूदन डीसी साम्बा होरें टूर पर जा'रदे करसानें गी शुभकामनां देइए एहदा शुभारम्भ कीता। इस प्रशिक्षण कार्यक्रम दा मकसद करसानें गी नमी तकनीकें, करसानी दे विकसित तौर-तरीकें कन्नै अवगत कराना ऐ। इनें करसानें गी स्कॉस्ट जम्मू दी विभागीय नर्सरिंग, बागें च बी लेता जाग। आकाशवाणी कन्नै गल्लबात करदे होई डी.सी साम्बा होरें आखेआ।

इस मौके सरकार दी इस पहल बारै अपने विचार सांझा करदे होई इक करसान अंग्रेज सिंह होरें आखेआ।

<><><><><><>
